

❖ Y NADOLIG

Beth yw ystyr y Nadolig  
I'r newynog ar ei rawd?  
Glywir carol yn yr Affrig,  
Seinir tant ar fant y tlawd?

Beth yw ystyr y Nadolig  
Pan arlwyir gloddest lawn,  
Wrth anghofio'r difreintiedig  
Llwm ei faes 'rôl colli'r grawn?

Beth yw ystyr y Nadolig  
Heddiw'n sŵn y brwydrau lu,  
Troi'r rudd arall yn hwyrfrydig,  
Ffrwydro bomiau erch eu rhu?

Collwyd ystyr y Nadolig,  
Diffodd wnaeth y seren wen,  
Am fod Iesu'n wrthodedig,  
Am fod Herod yma'n ben.

**D. Hughes Jones**